



Broj: 05-45-9/24-AP-74
Datum: 3.4.2024. godine

STRUČNA SLUŽBA GRADONAČELNIKA
-ovdje-

PREDMET: Pravilnik o vrstama vlastitih prihoda Grada Zavidovići, dostavlja se

Članom 9. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22), utvrđeno je da su jedinice lokalne samouprave dužne u roku od 90 dana od dana stupanja na snagu ovog pravilnika, donijeti poseban akt o pojedinačnim prihodima iz čl. 5. i 6. ovog pravilnika koje ostvaruju i koji zadovoljavaju kriterije iz člana 4. ovog pravilnika na način da svaki subjekat u svom aktu taksativno popiše vrste vlastitih javnih prihoda iz čl. 5. i 6. ovog pravilnika koje ostvaruje, pravni osnov ostvarivanja, te namjenu i način trošenja vlastitih javnih prihoda, **na koji saglasnost daje općinsko vijeće.**

U prilogu dopisa, dostavljamo Vam „Pravilnik o vrstama vlastitih prihoda Grada Zavidovići“, kako bi ste isti dostavili Stručnoj službi Gradskog vijeće u dalju proceduru.

Dostavljeno:

1. Naslovu,
2. U spis.



POMOĆNIK GRADONAČELNIKA

Midhat Bajramović dipl.ecc.

Obradila:

(Amira Tadić)



Broj: 02-11-2542/23

Datum: 15.03.2024. godine

Na osnovu člana 24. Zakona o budžetima FBiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 25/22), člana 9. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22), člana 69. Zakona o organizaciji organa uprave u Federaciji BiH („Službene novine FBiH“, broj: 35/05), člana 15. Zakona o principima lokalne samouprave u FBiH („Službene novine FBiH“, broj: 49/06 i 51/09) i člana 12. stav 1. tačka 6. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), Gradonačelnik Grada Zavidovići donosi

PRAVILNIK o vrstama vlastitih prihoda Grada Zavidovići

I OPĆE ODREDBE

Član 1. (Predmet pravilnika)

Pravilnikom o vrstama vlastitih javnih prihoda Grada Zavidovići (u daljem tekstu: Pravilnik) utvrđuju se vrste vlastitih javnih prihoda koje ostvaruje Grad Zavidovići iz čl. 5. i 6. Pravilnika o vrstama javnih prihoda u Federaciji BiH, definisane u skladu sa kriterijima propisanim članom 4. Pravilnika o vrstama javnih prihoda u Federaciji BiH, pravni osnov ostvarivanja, te namjena i način trošenja vlastitih javnih prihoda.

Član 2. (Subjekt primjene)

- (1) Odredbe ovog Pravilnika odnose se na Grad Zavidovići kao jedinicu lokalne samouprave.
- (2) U skladu sa stavom (1) ovog člana, vrste vlastitih javnih prihoda Grada Zavidovići utvrđene su za Grad Zavidovići kao jedinstvenog budžetskog korisnika.

II KRITERIJI ZA UTVRĐIVANJE I VRSTE VLASTITIH JAVNIH PRIHODA GRADA ZAVIDOVIĆI

Član 3. (Kriteriji)

(1) Kriteriji za utvrđivanje vlastitih javnih prihoda, u skladu sa članom 4. Pravilnika o vrstama javnih prihoda u Federaciji BiH, su da:

- prihod ne spada u kategoriju poreza, doprinosa, naknada, taksi i kazni,
- prihod nije kao javni prihod propisan posebnom odredbom u zakonu,

- prihod se ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji zakonska isključivost da aktivnost vrši samo određeni pravni subjekt s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada Grada.

(2) Kriteriji iz stava (1) ovog člana primjenjuju se na kumulativnoj osnovi za utvrđivanje vlastitih javnih prihoda organa uprave Grada Zavidovići.

(3) Pod vlastitim javnim приходima ne podrazumijevaju se oni prihodi koje Grad ostvari obavljajući osnovnu djelatnost propisanu zakonima ili drugim propisima, za koju je propisima utvrđena visina naknade za usluge koje pruža pravnim i fizičkim licima, kao ni prihodi ostvareni u poslovanju između gradova, općina, ministarstava, javnih ustanova, javnih preduzeća kao i ustanova čiji je osnivač Grad.

Član 4.

(Vlastiti javni prihodi Grada Zavidovići)

(1) Vlastiti javni prihodi Grada Zavidovići od iznajmljivanja, koji zadovoljavaju kriterije iz člana 3. Pravilnika, a u skladu su sa članom 5. Pravilnika o vrstama javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722642	Vlastiti prihodi od iznajmljivanja poslovnih prostora
2.	722643	Vlastiti prihodi od iznajmljivanja drugih nepokretnosti: stanovi i garaže
3.	722645	Vlastiti prihodi od iznajmljivanja opreme
4.	722651	Vlastiti prihodi od prodaje usluga, pristupa i korištenja katastra komunalnih usluga

(2) Pravni osnov ostvarivanja vlastitih javnih prihoda iz stava (1) tačke: 1., 2. i 3. ovog člana su ugovori sa zakupoprimcima u skladu sa gradskim odlukama.

(3) Pravni osnov ostvarivanja vlastitih javnih prihoda iz stava (1) tačka 4. su rješenja nadležne službe.

III PLANIRANJE, NAMJENA, RASPOLAGANJE I NAČIN UPLATE VLASTITIH JAVNIH PRIHODA

Član 5.

(Planiranje i namjena vlastitih javnih prihoda)

(1) Planiranje, upravljanje i raspolaganje vlastitim javnim приходima, kao i nadzor nad istim vrši se u skladu sa Zakonom o Budžetima u Federaciji BiH.

(2) Vlastiti javni prihodi Grada Zavidovići i rashodi i izdaci koji će se finansirati iz tih prihoda planiraju se u budžetu Grada Zavidovići.

(3) Vlastiti javni prihodi iz čl. 4. ovog Pravilnika, raspoređuju se prema fondovskoj klasifikaciji vlastitih javnih prihoda (izvorima sredstava), koja se utvrđuje u Budžetu Grada, u opći fond sa oznakom 01 i služe za plaćanje rashoda i izdataka koji se ne finansiraju iz sredstava za posebne namjene.

Član 6.
(Raspologanje vlastitim javnim prihodima)

(1) Vlastitim javnim prihodima Grada Zavidovići raspolaže Grad Zavidovići u skladu sa Registrom budžetskih korisnika, koji se utvrđuje godišnje a koji se objavljuje u „Službenom glasniku Grada Zavidovići“ i u skladu s usvojenim Budžetom Grada za tekuću godinu.

Član 7.
(Način uplate vlastitih javnih prihoda i plaćanje iz vlastitih javnih prihoda)

(1) Vlastiti javni prihodi Grada Zavidovići uplaćuju se na Depozitni račun Grada Zavidovići, otvoren kod Union banke d.d. Sarajevo broj 1020320000027070 u skladu sa Pravilnikom o načinu uplate, pripadnosti i raspodjele javnih prihoda u Federaciji Bosne i Hercegovine.

(2) Vlastiti javni prihodi Grada Zavidovići uplaćeni na Depozitni račun Grada Zavidovići, svakog radnog dana raspoređuju se na glavni transakcijski račun otvoren kod Union banke d.d. Sarajevo broj 1020320000002626, sa kojeg se vrše plaćanja rashoda i izdataka izvršenih u skladu s Budžetom Grada Zavidovići.

Član 8.
(Evidentiranje i praćenje naplate vlastitih prihoda)

(1) Evidentiranje i praćenje naplate vlastitih javnih prihoda vrši se u skladu sa „Računovodstvenim politikama za jedinstveni organ uprave Općine Zavidobvići“ („Službeni glasnik Općine Zavidovići“, broj: 9/2020).

(2) Služba za finansije budžet i trezor je dužna, na zahtjev nadležne službe, dostavljati istim knjigovodstveno stanje potraživanja po osnovu vlastitih javnih prihoda.

(3) Nadležne službe Grada Zavidovići, odgovorne su za poduzimanje svih mjera za blagovremenu naplatu vlastitih javnih prihoda.


IV PRELAZNE I ZAVRŠNE ODREDBE

Član 10.
(Primjena propisa višeg reda)

(1) Na pitanja koja nisu uređena ovim Pravilnikom primjenjivat će se odredbe Pravilnika o vrstama vlastitih javnih prihoda u Federaciji BiH i Pravilnika o načinu uplate, pripadnosti i raspodjele javnih prihoda u Federaciji Bosne i Hercegovine.

Član 11.
(Stupanje na snagu)

(1) Ovaj Pravilnik stupa na snagu narednog dana od dana donošenja a objaviti će se u Službenom Glasniku Grada Zavidovići.



GRADONAČELNIK
doc.dr. Hašim Mujanović

O B R A Z L O Ž E N J E

I PRAVNI OSNOV

Pravni osnov za donošenje Pravilnika o vrstama vlastitih javnih prihoda Grada Zavidovići sadržan je u:

-članu 24. Zakona o budžetima FBiH ("Službene novine Federacije BiH", broj: 102/13, 9/14 – ispr., 13/14, 8/15, 91/15, 102/15, 104/16, 5/18, 11/19, 99/19, 25a/22), kojim je propisano da federalni ministar finansija pravilnikom propisuje vrste javnih prihoda, način, rokove i uslove raspodjele, kao i kriterije za utvrđivanje vlastitih javnih prihoda;

-članu 9. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22) kojim je propisano da su jedinice lokalne samouprave dužne u roku od 90 dana od dana stupanja na snagu ovog pravilnika, donijeti poseban akt o pojedinačnim prihodima iz čl. 5. i 6. ovog pravilnika koje ostvaruju i koji zadovoljavaju kriterije iz člana 4. ovog pravilnika na način da svaki subjekat u svom aktu taksativno popiše vrste vlastitih javnih prihoda iz čl. 5. i 6. ovog pravilnika koje ostvaruje, pravni osnov ostvarivanja, te namjenu i način trošenja vlastitih javnih prihoda, na koji saglasnost daje općinsko vijeće.

II RAZLOZI DONOŠENJA

Razlog za donošenja ovog Pravilnika je obaveza u skladu članom 9. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22).

III OBRAZLOŽENJE PREDLOŽENIH RJEŠENJA

Odredbe ovog Pravilnika su sistematizirane u IV poglavlja i to:

I - OPĆE ODREDBE

(U ovom poglavlju definisane su Opće odredbe ovog Pravilnika i subjekt primjene).

II KRITERIJI ZA UTVRĐIVANJE I VRSTE VLASTITIH JAVNIH PRIHODA GRADA ZAVIDOVIĆI

(U ovom poglavlju definisani su kriteriji i vlastiti javni prihodi Grada Zavidovići).

III PLANIRANJE, NAMJENA, RASPOLAGANJE I NAČIN UPLATE VLASTITIH JAVNIH PRIHODA

(U ovom poglavlju definisano je planiranje, namjena raspolaganje i vrste vlastitih javnih prihoda Grada Zavidovići).

IV PRELAZNE I ZAVRŠNE ODREDBE

(U ovom poglavlju definisana je primjena propisa višeg reda i stupanje na snagu ovog Pravilnika).

FINANSIJSKI EFEKTI

Za provođenje ovog Pravilnika nisu potrebna finansijska sredstva u Budžetu Grada.

Obradila:

(Amira Tadić)

Kontrolisao:

(Midhat Bajramović)



GRADONAČELNIK
doc. dr. Hašim Mujanović